

Saksprotokoll i fylkestinget - 12. og 13.06.2018

Følgjande representantar stilte spørsmål om dei var inhabile:

- Anne-Beth Njærheim, V, styremedlem i Carte Blanche AS
- Svein Halleraker, H, styremedlem i Carte Blanche AS
- Renate Møgster Klepsvik, Frp, varamedlem i Carte Blanche AS

Njærheim, Halleraker og Klepsvik gjekk frå under vurderinga av spørsmålet om dei var inhabile. Fylkestinget vedtok samrøystes at Anne-Beth Njærheim og Svein Halleraker var inhabile etter forvaltningslova § 6, 1. ledd e).

Fylkestinget vedtok samrøystes at Renate Møgster Klepsvik ikkje var inhabil.

Anne-Beth Njærheim og Svein Halleraker gjekk frå under behandlinga av saka.

Elizabeth Toft Erichsen stilte som vara for Anne-Beth Njærheim.

Det var 56 representantar til stades.

Terje Kollbotn, R, sette på vegner av R fram slikt oversendingsforslag til utval for kultur, idrett og regional utvikling:

«Tillegg:

Hordaland fylkesting går inn for at opprustning og framtidig drift blir fullfinansiert av staten. Båda Carte blanche og BIT Teatergarasjen er institusjonar av både internasjonal og nasjonal karakter.

Carte blanche er dessutan definert som det nasjonale kompaniet for samtidsdans, og bør difor bli finansiert 100% av staten på lik linje med andre statlege institusjonar. Denne finansieringa bør ikkje berre dekkje drifta, men og opprustning av bygget kompaniet skal vere i.»

Røysting

Innstillinga punkt 3 vart vedteke mot 7 røyster (Frp).

Innstillinga punkt 1, 2 og 4 vart samrøystes vedteke.

Kollbotn sitt forslag vart samrøystes vedteke oversendt på vegner av forslagsstillaren utan realitetsbehandling.

Vedtak

1. Avsetting på kr 5 millionar i budsjettet for 2018 til lokale for Carte Blanche vert nytta til Sentralbadet scenekunsthuss.
2. Med atterhald om dekning i det enkelte årsbudsjett gjev Hordaland fylkeskommune tilsegn om løyving av ytterlegare kr 100 millionar fordelt på 20 år frå og med 2019. Fylkesrådmannen må koma attende til dette i budsjettframlegget for 2019.
3. Det skal stillast vilkår om at bruk og føremål ikkje vert endra. Tilskotet står fast og skal ikkje aukast for endringar i kroneverdi, prosjektkostnader og innhald. Dersom investeringskostnadene vert lågare, kan tilskotet bli redusert.
4. Fylkestinget føreset at Hordaland fylkeskommune sitt tilskot til tiltaket vert gjeve som direkte tilskot til investeringa. Det skal ikkje seinare løyvast auka driftstilskot til leigetakarane som indirekte dekking av investeringa. Husleige for Carte Blanche og BIT Teatergarasjen må i det vidare berre bereknast

på grunnlag av reelle forvaltnings-, drifts- og vedlikeholdskostnader, og i samsvar med institusjonane sin faktiske bruk av lokala. Dette prinsippet må og leggst til grunn for berekning av leigekostnader til eventuelle andre brukarar.